



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. 3. De contrarietate instrumentorum.

[urn:nbn:de:hbz:466:1-73001](#)

fit, indubitate corrigi possint per rasuram. Ex hoc deducitur legitimè probatum, quod rasura non vitiet rescriptum, privilegium, aut instrumentum, si sit in loco non substantiali, seu non suspecto: & quis dicatur locus non substantialis, & non suspectus?

1904.

Cœterum etsi, quod diximus numer. 1902. verum sit, regulariter vitiari instrumentum, scripturam, vel privilegium, per rasuram, lituras, &c. in parte substantiali, vel loco suspecto; hoc tamen limitari debet, ut non procedat i. si ex antecedentibus, & consequentibus apparet, ita legendum esse, sicuti rasura, aut vox supercripta indicat; tunc enim præsumitur scriptorem correxisse errorem suum; uti docet gloss. fin. in cit. c. Venerabilis, Mascard. conclus. 1254. n. 19. & notavimus supr. Et ideo expedit, ut, si Notarilus quidpiam rasit, aut verbum super lineam, vel ad marginem adscripsit, ut de eo mentionem faciat ad finem instrumenti, si sit mutatio substantialis; ne alioquin existimetur mutationem ab alio factam esse, vel ab ipso Notario post absolutam confectionem instrumenti; sic Abbas in cit. c. Ex literis. 3. b. t. n. 3. & Mascardus cit. n. 27. Deinde si contineat plura capitula, non connexa cum puncto, ex quo sumitur probatio vi talis scripturæ, vel privilegii, cum separabilia sint; quod tamen videtur limitandum juxta dicta. Tertio, si probatio fit per instrumentum, quod penes adversarium fuit, & ab illo edi jubetur; tali enim casu rasuræ præsumptio potius est contra illum, penes quem fuit. Quartò minus nocet rasura, quando agitur de intentione Testatoris ad pias, vel privilegiatas causas; nam, nisi contrarium evincatur, pro causa favorabilibus pronuntiandum est, ut alibi diximus.

Hinc aliqui tradunt, si quid rasum, vel inductum sit in loco testamenti, quo libertas concessa est, non vitiari instrumentum, etiam si rasura, vel inductio sit substantialis, idque favore libertatis, cit. L. proximè, §. fin. & ibi Bart. ff. de his, que intestam. del. id, quod aliqui extendunt etiam ad alias dispositiones favorabi-

les, videlicet ad legata, ad pias causas, quibus etiam rasura, vel inductio non obstat; sed ut monuimus, quando dubitatur de intentione disponentis, an revocaverit, vel limitaverit, veletiam auxerit? nam in tali dubio pro causa favorabili pronuntiandum erit.

Not. 5. si opponatur rescriptis Apostolicis (sive gratiæ, sive justitiæ) error solius scriptoris (v. g. omissione unius litteræ, vel syllabæ, aut etiam integri verbi), talem exceptionem non nocere, si non turbet, aut vitiet sensum, & nihilominus constet de mente concedentis, vel rescribentis, ut exposuimus lib. 4. quest. ult. p. 2. & constat exc. Ex parte 11. b. t. ubi, cum ex parte Beatricis, quoniam Anglorum Reginæ, fuisset propositum Honorio III. quod rescriptum Apostolicum pro eo, quod in haec dictione, spoliariunt, haec figura O, deerat, afferatur vitiosum: Pontifex delegato mandavit, ut, hoc non obstante, in negotio ipso, ratione præviâ procedat. Unde, quando in c. Ad audiencem 11. de rescripto dicitur: non esse fidem adhibendam rescripto Apostolico, si manifestum contineat in constructione peccatum; imbecillitas faciendi fidem ex tali rescripto non attribuitur errori contra constructionem; sed præsumptæ subreptioni ex vito latinitatis.

§. 3.

De contrarietate instrumentorum.

Cum quandoque contingat vel ab eadem, vel a diversis partibus instrumenta, vel scripturas inter se contrarias produci in judicio, dubitari potest, cui eorum credendum? De hoc casu, ubi ab eodem producuntur ejusmodi scripturæ, vel instrumenta, ait Honorius III. in c. Imputari, 13. b. t. imputari ei potest, qui contrarias inter se scripturas in judicio protulit, fidem sibi ad invicem derogantes; cum in ipsius fuerit potestate, quam voluerat

luerat non proferre. Unde in Rubrica dicitur: scripturas contrarias, ab eodem productas, fidem non facere; id, quod etiam dicitur *L. Scripturæ diversæ C. eod. ibi: scripturæ diversæ fidem sibi invicem derogantes, ab una eademque parte prolatæ, nihil firmitatis habere poterunt.* Sic enim, quod affirmat unum, negat alterum vel formaliter, vel æquivalenter; cum quodlibet contrariorum inferat alterius parentiam. Unde gloss. *ad dict. L. 13. lit. B.* nemo, inquit, potest proferre de una eademque re diversas sententias: unam condemnatoriam, absolucionem alteram: vel unum instrumentum pure concipere, alterum sub conditione: vel contraxisse *Cal. Jan. Romæ*, & eadem die *Carthaginæ*: licet eisdem Calendis, & Romæ possit contrahi, & decimo ab ea miliario. Sunt & hæc diversa, eundem fundum, *mibi soli emptum: & mibi & uxori.*

^{1907.} Dices: Testes, & instrumenta æquali jure procedunt in judicio; at, ubi apparet in testibus contrarietas, non rejiciuntur ambo; sed statur verosimiliora deponentibus, aut dignioribus juxta dicta supr. ergo similiter, ubi apparet contrarietas in instrumentis. 2. in *L. optimam 14. C. de contrahend. stipulat.* dicitur: si duo instrumenta contraria in judicio producantur, *standum esse digniori, & veriori.* 3. in c. *cum Joannes 10. §. ad hoc h.t.* si instrumenta in judicio producta sibi repugnare videantur, deciditur, *reduci debere ad concordiam;* ut de testibus contrarium deponentibus docetur in c. *cum tu, de testibus:* igitur, quia fidem faciunt instrumenta, et si contraria sint, 4. Reus potest in judicio uti pluribus exceptionibus etiam contrariis, per reg. *nullus pluribus, de reg. juris in 6.* ergo etiam diversis instrumentis, quantumvis contrariis.

^{1908.} Ad 1. Resp. dist. ma. Testes, & instrumenta æquali jure procedunt, in quantum præcisè comparantur ut instrumenta *cum depositionibus testium,* transeat; in quantum comparantur *quoad vim ex contrarietate elidendi oppositum,* N. ma. sic dist. min. N. conseq.

Tom. II.

Nam instrumenta contraria, se mutuo excludunt, in quantum ambo producuntur, tanquam approbata à producenti, & confessæ quoad eæ, quæ in illo continentur; cum antequam producerentur ab illo, supponantur lecta, intellecta, adeoque tanquam approbata, ut referentia verum: Dépositiones autem testimoniū, relata ad producentem testes, non sunt notæ producenti; cum ignoret eas, quæ, & qualiter in judicio à testibus futuræ sint; hinc non possunt supponi ut approbatae, & confessæ quoad eæ, de quibus deponent; ex quo fit contrarietatem depositio-num non posse imputari producenti testes contraria deponentes; secus, contrarietatem instrumentorum.

^{1909.} Ad 2. Resp. ibi casum non esse de eæ- dem parte producenti instrumenta con- traria; sed de diversis; nec à testibus in hoc casu recte argui ad instrumenta, ostensum est præced. numero. Ad 3. ex c. *cum Joannes* Resp. solum proce- dere, ubi contrarietas non est adeo a- perta, ut possint in concordiam reduci. Ad 4. Resp. non recte fieri argu- mentum à defensione concessa Rei, ad probationem. Nam licet Reus possit uti contrariis defensionibus; non ta- men potest uti contrariis probationibus; nisi in continent proferat diversas scripturas conditionales; unam, ut probet se non esse obligatum, & quantum effe obligatus; & producat aliam, quâ ostendat, se esse liberatum per accepitationem, vel similem modum. Quando autem allegatur textus *L. i. §. Sed et si ff. de bonor. possess.* secundum tabulas, ubi videtur dici, instrumenta, et si contraria, in judicio proposta, fidem facere, & ex eis bonorum posses- sione fieri; censet Gonzalez, ibi non agi de instrumentis contrariis, sed solum de duabus exemplaribus eandem disposi- tionem continentibus; & ideo dici, ex utroque, quasi ex uno, competere bonorum possessionem; quia utrumque pro unis tabulis habendum est. Ceterum ubi instrumenta contraria producuntur non ab una parte; sed à diversis; fides danda est digniori; censetur autem

Qqq 2

seri-

scriptura dignior, quæ publica est, & magis authentica; ubi vero sunt penitus æqualia, contra eum judicabitur, qui, cum probare debuisset, in probatione defecit.

§. 4.

De reprobatione instrumentorum per Testes.

1910. **H**UIC quæstioni servit casus in c. cum Joannes 10. b. i. ubi in Rubrica ejus dicitur, quod falsitas instrumenti probetur per testes. Casus sic habet: Joannes eremitain Judicio coram Judicibus Viterbienibus à Petro petivit 130. libras Senenses ex causa mutui; & simul sibi tradidomum liberam & vacuam, ex causa factæ venditionis: Petrus reposuit, sibi debet Joanne 180. libras, & sic debitum ex causa mutui per compensationem extinctum esse; quia vero ad domum ut liberam, & vacuam Joanni tradendam condemnatus est: Petrus ab hac sententia appellavit, & venditionem domus a se non pure, sed conditionaliter factam esse, nimirum adjecto modo, ut dum vivaret, domum inhabitare posset, postea vero Joannis nepotibus cederet; & causa hujus venditioni adjecti oneris dominum minoris vendidisse, probavit per 4. testes, qui tamen dicebant, se non recordari anni, mensis, ac diei, quo venditio facta esset: at Joannes, ut probaret venditionem non conditionalem, sed puram fuisse, produxit instrumentum publicum, Tabellionem quoque, qui instrumentum confecit, & Testem unum, cuius nomen subscriptum erat.

1911. Ex hoc nata est dubitatio, cuius allegatis standum foret? pro Reo, dicebatur, quod, tametsi in litibus judiciariis parem probandi vim habeant instrumentum & testes; tamen non quodlibet instrumentum trium, vel plurium idoneorum testium depositionibus præferatur: ad hæc respondit Joannes: cum ipse per instrumentum intentionem suam fundarit, ac Petrus per modum exceptionis objecerit venditionem fuisse conditionalem, hoc vero

pertestes de certo tempore deponentes probatum non sit, ideoque non constet eos testificari de eadem venditione, quæ per instrumentum, ut determinato tempore facta, probata erat, hinc consequens esse, quod probatio ista pertestes inefficax sit ad intentionem Joannis elidendam.

Sed denuò replicavit Petrus, responsum Joannis non subsistere; siquidem utraque pars à Pontifice interrogata, in judicio confessa est, unicam tantum fuisse celebratam venditionem; apparere itaque ex testium depositione, eam fuisse conditionalem; cui nihil obstat, quod interrogatio à Pontifice facta sit post conclusionem in causa; siquidem Judget, qui usque ad prolationem sententiæ cuncta rimari debet, interrogare potest de facto, quotiescumque dubitatio incurrit; quibus auditis:

Pontifex definitive rescripsit: De consilio Fratrum nostrorum pronuntiamus, venditionem prædictæ domus fuisse conditionaliter celebratam, & te ob hoc nullatenus obligatum ad tradicionem ipsius, super hoc memorato Joanni silentium imponentes. Sententiam vero Judicum prædictorum, qui alias justè pronuntiasse noscuntur, cum hujusmodi exceptio coram ipsis nec probata fuerit, nec objecta, quoad dictum Capitulum infirmamus; eam quoad alios articulos auctoritate Apostolica confirmantes.

Ex hac decisione communiter deducunt Doctores, falsitatem, vel vitium instrumenti probari posse per testes sic, ut reprobetur; sic Vivianus in Rationali l. 2. juris Pontif. pag. 199. Alagona in Comp. juris Canonit. pag. 283. & alii. Sed in hoc dubium est, an resolutio procedat, ac ad derogandum instrumento publico sufficiat, si tantum duo testes contra instrumentum deponant? Deinde videtur etiam distinguendum, an testes deponant directè contra instrumentum? vel contra contenta in instrumento? si primum? (ut si testentur, vel contrahentem, vel testem inscriptum eo tempore alibi fuisse)